


**O‘ZBEKISTON RESPUBLIKASI
OLIV VA O‘RTA MAXSUS TA‘LIM VAZIRLIGI**

**60230600 – Noshirlik ishi bakalavriat ta‘lim yo‘nalishining
malaka talablari**

Toshkent



ISHLAB CHIQLIGAN VA KIRITILGAN:

- Alisher Navoiy nomidagi Toshkent davlat o'zbek tili va adabiyoti universiteti.

TASDIQLANGAN VA AMALGA KIRITILGAN:

O'zbekiston Respublikasi Oliy va o'rta maxsus ta'lim vazirligi huzuridagi Oliy va o'rta maxsus, professional ta'lim yo'nalishlari bo'yicha o'quv-uslubiy birlashmalar faoliyatini Muvofiqlashtiruvchi kengashning 2021-yil «24» 08 dagi 4 -sonli yig'ilishida ma'qullangan.

O'zbekiston Respublikasi Oliy va o'rta maxsus ta'lim vazirligining 2021-yil «25» 08 dagi 365 - sonli buyrug'i bilan tasdiqlangan.

JORIY ETILGAN:

O'zbekiston Respublikasi Oliy va o'rta maxsus ta'lim vazirligi.

Mazkur Malaka talablari "Oliy ta'lim davlat ta'lim standarti. Asosiy qoidalar", "Oliy ta'lim yo'nalishlari va mutaxassisliklari klassifikatori", O'zbekiston Respublikasi Milliy malaka ramkasiga muvofiq ishlab chiqilgan va rasmiy me'yoriy-uslubiy hujjat hisoblanadi.

O'zbekiston Respublikasi hududida Malaka talablarini rasmiy chop etish huquqi O'zbekiston Respublikasi Oliy va o'rta maxsus ta'lim vazirligiga tegishlidir.

MUNDARIJA

T/r	bet
1. 60230600 – <i>Noshirlik ishi</i> ta'lim yo'nalishining umumiy tavsifi	4
1.1. Qo'llanish sohasi	4
1.1.1. 60230600 – <i>Noshirlik ishi</i> ta'lim yo'nalishi malaka talabining qo'llanilishi	4
1.1.2. Malaka talablarining asosiy foydalanuvchilari	4
1.2. 60230600 – <i>Noshirlik ishi</i> ta'lim yo'nalishi bo'yicha bakalavrlar kasbiy faoliyatlari tavsifi	4
1.2.1. 60230600 – <i>Noshirlik ishi</i> ta'lim yo'nalishi bo'yicha bakalavrlar kasbiy faoliyatlarining sohalari	4
1.2.2. 60230600 – <i>Noshirlik ishi</i> ta'lim yo'nalishi bo'yicha bakalavrlar kasbiy faoliyatlarining obyektlari	5
1.2.3. 60230600 – <i>Noshirlik ishi</i> ta'lim yo'nalishi bo'yicha bakalavrlar kasbiy faoliyatlarining turlari	5
1.2.4. 60230600 – <i>Noshirlik ishi</i> ta'lim yo'nalishi bo'yicha bakalavrlarning kasbiy vazifalari	5
2. 60230600 – <i>Noshirlik ishi</i> ta'lim ta'lim yo'nalishi bo'yicha bakalavrlarning kasbiy kompetensiyalariga qo'yiladigan talablar	8
2.1. Umumiy kompetensiyalar	8
2.2. Kasbiy kompetensiyalar	9
Bibliografik ma'lumotlar	11
Kelishuv varog'i	12

1. 60230600 – Noshirlik ishi bakalavriat ta'lim yo'nalishining umumiy tavsifi

60230600 – Noshirlik ishi ta'lim yo'nalishi bo'yicha bakalavrlar tayyorlash kunduzgi ta'lim shaklida amalga oshiriladi. Ta'lim shakli bo'yicha o'qitish kredit-modul tizimi asosida tashkil etiladi. Bakalavriatura dasturining me'yoriy muddati - 4 yil.

1.1. Qo'llanish sohasi

1.1.1. 60230600 – Noshirlik ishi ta'lim yo'nalishi Malaka talabining qo'llanilishi.

Malaka talabi **60230600 – Noshirlik ishi** ta'lim yo'nalishi bo'yicha bakalavrlar tayyorlovchi barcha oliy ta'lim tashkilotlari talablar majmuasini ifodalaydi.

1.1.2. Malaka talabning asosiy foydalanuvchilari:

- mazkur ta'lim yo'nalishi bo'yicha malaka talablari, o'quv reja va o'quv dasturlarini ishlab chiqish va yangilash, ular asosida o'quv jarayonini samarali amalga oshirish uchun mas'ul hamda o'z vakolati doirasida bitiruvchilarning tayyorgarlik darajasiga javob beradigan oliy ta'lim tashkilotining boshqaruv xodimlari (rektor, prorektorlar, o'quv bo'limi boshlig'i, dekanlar va kafedra mudirlari) va professor-o'qituvchilari;

- ta'lim yo'nalishining o'quv rejasi va o'quv dasturlarini o'zlashtiruvchi oliy ta'lim tashkilotining talabalari;

- bakalavriat bitiruvchilarining tayyorgarlik darajasini baholashni amalga oshiruvchi Davlat attestasiya komissiyalari;

- ta'limni boshqarish bo'yicha vakolatli davlat organlari;

- oliy ta'lim tashkilotlarini moliyalashtirishni ta'minlovchi organlar;

- oliy ta'lim tizimini akkreditasiya va sifatini nazorat qiluvchi vakolatli davlat organlari;

- kadrlar buyurtmachilari va ish beruvchi tashkilot hamda korxonalar;

- oliy ta'lim tashkilotlariga o'qishga kirayotgan abituriyentlar, ularning ot-onalari va boshqa manfaatdor shaxslar.

1.2. 60230600 – Noshirlik ishi ta'lim yo'nalishi bo'yicha bakalavrlar kasbiy faoliyatlarining tavsifi

1.2.1. 60230600 – Noshirlik ishi ta'lim yo'nalishi bo'yicha bakalavrlar kasbiy faoliyatlarining sohalari:

60230600 – Noshirlik ishi bakalavriat ta'lim yo'nalishi nashriyotlar va matbaa korxonalari, nashriyot-matbaa majmualari, internet nashrlari uchun bakalavriat ta'lim yo'nalishi bo'yicha kadrlar tayyorlash jarayonida foydalaniladigan fanlar, faoliyat vositalari, usullari, metodlari; noshirlik mahsulotlarini bosma va raqamli shaklda chiqarish hamda tarqatish, noshirlik ishi sohasidagi texnologiya, texnik va dasturiy mahsulotlar, iqtisodiyot, boshqaruv va marketing, ilmiy tadqiqot;

Gumanitar sohadagi ilmiy tadqiqot institutlari va boshqa tarmoq ilmiy-tadqiqot institutlarida mustaqil tadqiqotchi sifatida ilmiy tadqiqot ishlari bilan shug'ullanish;

Ommaviy axborot vositalari, davlat boshqaruvi organlari, boshqa davlat va nodavlat muassasalarida kasbiy faoliyat yuritish kabi kompleks masalalar majmuasini qamrab oladi.

1.2.2. 60230600 – Noshirlik ishi ta'lim yo'nalishi bo'yicha bakalavrlar kasbiy faoliyatlarining obyektlari:

- Noshirlik ishi jarayonlari, kitob, jurnal, gazeta, bosma nashr, elektron nashr, matn, badiiy adabiyot, verbal va vizual ma'lumotlar, muallif ma'lumotlarining originali, raqamli hujjat, ma'lumotlarni qayta ishlash, saqlash, uzatish, tarqatish vositalari va texnologiyalari, tahrir-noshirlik faoliyatining shakl va jarayonlari, noshirlik ishi mahsulotlarini tarqatish, noshirlik ishining axborot-analitik va tashkiliy-boshqaruv ta'minoti, noshirlik ishi sohasida ilmiy tadqiqotlar, noshirlik ishining zamonaviy zamonaviy texnologiya va metodlari, nazariy masalalari; raqamli dizayn texnologiyalari, nashr ishlarini layihalashtirish va tashkil etish jarayoni, shaxsiy va kasbiy axborot maydonini shakllantirish jarayoni, noshirlik ishi sohasidagi muammolar va ularning yechimlarini topishni tashkil etish jarayoni, jarayonni boshqarish va faoliyatni tashkil etish, marketing, kompyuter dizaynining zamonaviy shakllari;

- Noshirlik asoslari, tahrir nazariyasi va texnikasi, tahrir asoslari;

- O'zbek tili: nazariy va amaliy, sinxron, diaxron, ijtimoiy-madaniy; imlo muammolari; nutq madaniyati va OAV tili, o'zbek tilining amaliy stilistikasi, davlat tilida ish yuritish, matn lingvistikasi;

- Web-dizayn, nashriyot-matbaa jarayonlari, texnologiyasi, raqamli sahifalash, medialoyihalashtirish va grafik dizayn, noshirlik ishida axborot texnologiyalari, elektron nashrlar texnologiyalari, multimedia va onlayn nashrlar, kompyuterli illyustratsiya va dizayn, noshirlikning huquqiy asoslari, noshirlik ishi menejmenti va marketingi, blogosfera asoslari, logotip dizayni;

- Mos ixtisoslik bo'yicha ilmiy-tadqiqot jarayonlari, loyihaviy innovatsion faoliyat jarayoni.

1.2.3. 60230600 – Noshirlik ishi ta'lim yo'nalishi bo'yicha bakalavrlar kasbiy faoliyatlarining turlari

- tahrir-noshirlik faoliyati;
- ilmiy-tadqiqot faoliyati;
- loyihalash-innovatsion faoliyat;
- tashkiliy-boshqaruv faoliyati va shu kabilarni o'z ichiga oladi.

1.2.4. 60230600 – Noshirlik ishi ta'lim yo'nalishi bo'yicha bakalavrlarning kasbiy vazifalari.

60230600 – Noshirlik ishi ta'lim yo'nalishi bo'yicha Milliy malaka ramkasining 6-malaka darajasi hamda bakalavr kasbiy faoliyatlarining sohalari, obyektlari va turlariga muvofiq bakalavriat bitiruvchisi quyidagi kasbiy vazifalarni bajarishga qodir bo'lishi lozim:

Tahrir-noshirlik faoliyati:

- Noshirlik ishi tamoyillari va mezonlariga rioya etish, zaruriy materiallarni tanlash va tizimlashtirishga doir zamonaviy yondashuvlarni hisobga olish, noshirlik ishiga oid materiallarni modellashtirish malakasiga ega bo'lish;

- xorijiy tillarni mukammal egallash va ulardan kasbiy faoliyatda foydalana olish;

- mualliflar va qo'lyozmalar bilan ishlash, ularni tahrirlash, nashriyotlarning turli bo'limlari (logistika, ishlab chiqarish, marketing, tarqatish), kitoblar va lingvistik dasturiy ta'minot yaratish usullarini egallashi va ulardan unumli foydalanishi;

- mas'ul muharrir sifatida internet-portalda yoki bosma nashrda yoxud axborot agentligi lentasidagi ma'lumotlarni joylashtirish, fakturani, ya'ni nashr kontsepsiyasining g'oyasiga materiallar va mavzuning mosligini tekshirish, ta'sirchan sarlavhalarni o'ylab topish, ijodiy guruh ishini muvofiqlashtirish, nashrlarning tematik rejasini tayyorlash, sinchiklab qilingan tahrirdan so'ng materialni matbuotda yoritita olish malakasiga ega bo'lish;

- bild- muharrir (fotosuratlarni tanlovchi muharrir) sifatida maqola uchun fotosuratlarni topish, fotosuratlar sifatini baholash, retush, fotomaterialning sahifaga joylashtirish bilan shug'ullanish malakasiga ega bo'lish;

- kontent-menedjer (nashr yoki veb-sayt mazmuni uchun mas'ul shaxs) sifatida veb-saytni zaruriy mazmun (matnli va grafik ma'lumotlar) bilan to'ldirish, foydalanuvchilar bilan interaktiv ishlash, muloqot qilish malakasiga ega bo'lish;

- kopirayter (reklama matnlarini yozadigan mutaxassis) sifatida reklama qilingan mahsulotni sotib olish istagini paydo qila oladigan matn yozish malakasiga ega bo'lish;

- musahhih sifatida matnni asl nusxasi bilan solishtirish va matn teruvchilar tomonidan yo'l qo'yilgan imloviy va ishoraviy xatolarini tuzatish, o'rnatilgan texnik qoidalarning buzilishini bartaraf etish, rasmlar, sxemalar, diagrammalar ostidagi yozuvlarni, satrdagi harflar orasidagi masofaning to'g'ri bo'lishini tekshirish malakasiga ega bo'lish;

- media-menenjer sifatida turli mass-medialarini boshqarish, ularning rivojlanish strategiyasini belgilash, media-loyihalarni boshqarish va turli ommaviy axborot vositalarida media-mahsulotlarni yaratish, media-rejalashtirishni amalga oshirish, brend strategiyasini va bozorda OAV marketingini belgilash, reklama byudjetlarini tuzish, reklama beruvchilar uchun foydali takliflarni ishlab chiqish va boshqa iqtisodiy masalalar bilan shug'ullanish ko'nikmasiga ega bo'lish;

- mediabayer sifatida nashriyot uylari bilan shartnoma tuzish va uning to'liq bajarilishini nazorat qilish: kafolat xatlaridan tortib, maketni yetkazib berish va to'lovlar, schyot-fakturalarni olish, qabul qilish dalolatnomalari va sinov nusxalari (e'lon qilingan reklama nashrlari nusxalari) bilan shug'ullanish ko'nikmasiga ega bo'lish;

- media-dizayner sifatida media-mahsulotni loyihalashni amalga oshirish, buyurtmachilarning xohishiga ko'ra dizayn-kontsepsiyalar ishlab chiqish, tijorat takliflarini badiiy bezash (loyihalarni taqdimot qilish), nostandart reklama

konstruktsiyalarni 3D-vizualizatsiya qilish, turli formatdagi tashqi reklama uchun maketlarni yaratish, fayllarni nashrga tayyorlash ko'nikmasiga ega bo'lish;

- Adobe Photoshop, Adobe Illustrator, Adobe Indesign, Sorel Draw, Power Point, 3D-MAX, AdobePremier Pro, Adobe After Effectslarda ishlash ko'nikmasiga ega bo'lish;

- har qanday multimedia mahsuloti xususida, dizayn, video, raqamli, zamonaviy multimedia tendentsiyalari va reklama sohasidagi texnik yangiliklardan xabardor bo'lish;

- rivojlangan xorijiy mamlakatlar noshirlik ishi tizimi bilan yaqindan tanishgan holda, ulardagi ilg'or usullarini jarayonga tatbiq qila olish qobiliyatiga ega bo'lishi kerak.

Ilmiy-tadqiqot faoliyatida:

- o'zbek tili va adabiyoti sohasida olingan nazariy amaliy bilimlarni qo'llash orqali ilmiy tadqiqotlar olib borish;

- noshirlik ishiga oid tahrir-noshirlik, axborot va marketing texnologiyalarida innovatsion loyihalarni ishlab chiqish, asoslash va tatbiq qilish;

- tadqiqotlar natijasini referatlar, taqdimotlar, ilmiy ma'ruzalar, ilmiy maqolalarda taqdim qilish;

- ilmiy-tadqiqot institutlari va ilmiy markazlarda sohaga oid nazariy masalalar mavzularida tadqiqotlar olib borish;

- tadqiqot mavzusiga oid ingliz tilidagi materiallarni o'qiy olish va amalda qo'llash;

- internet tarmog'ida eng yangi ilmiy yutuqlar haqidagi ma'lumotlarni maqsadga yo'nalgan holda qidirish va topish;

- kasbiy faoliyat ob'ekti yo'nalishiga mos yangi ilmiy natijalar, ilmiy adabiyotlar yoki ilmiy-tadqiqot loyihalarini o'rganish;

- noshirlik ishiga oid xorijiy davlatlardagi ilmiy tadqiqotlarni o'rganish;

- ma'lumotlarni jamlash, qayta tayyorlash, mavzu bo'yicha ilmiy ma'lumotlarni tizimli tahlil qilish;

- tadqiqot natijalari va ishlanmalarini tatbiq etish qobiliyatiga ega bo'lishi kerak.

Loyihalash-innovatsion faoliyatida:

- noshirlik korxonasi va noshirlik sohasining innovatsion rivojlanish sur'atini oshirish uchun noshirlik ishidagi tadbirkorlikning tarixiy tajribasidan va zamonaviy tahrir-noshirlik ishi yutuqlaridan keng foydalanish;

- noshirlik korxonasining marketing strategiyasini ishlab chiqish uchun kitob bozori, elektron nashrlar bozori, ommaviy axborot vositalari bozori va raqobat muhitini tadqiq qilish;

- yangi noshirlik loyihalarini yaratish, ularning kontsepsiyalari va biznes-rejalarini ishlab chiqish, noshirlik korxonasining mavzuiy va ishlab chiqarish rejalarini shakllantirish;

- noshirlik faoliyatidagi loyihalash yuzasidan nazorat olib borish va boshqaruv qarorlarini qabul qilish;

- noshirlik faoliyatidagi loyihalashni axborot-bibliografik ta'minlash va reklama qilish qobiliyatiga ega bo'lishi kerak.

Tashkiliy-boshqaruv faoliyatida:

- globallashtirish sharoitida kechayotgan jarayonlarda milliy til va adabiyotning o'rnini va ta'siri haqida tushuntirish ishlarini olib borish;

- noshirlik mahsulotini targ'ib qilish va tarqatish faoliyatida axborot texnologiyalardan foydalangan holda ishlab chiqarish jarayonlari monitoringi va sifatini baholash mexanizmlarini ishlab chiqish;

- noshirlik mahsulotini targ'ib qilish bo'yicha marketing tadbirlarini tashkil qilish;

- noshirlik mahsulotini targ'ib qilish faoliyatini axborot-bibliografik ta'minlash;

- noshirlik mahsulotini ulgurji va chakana tarqatish kanallari assortimentini talab va takliflar asosida shakllantirish;

- mijozlar bazasini tahlil qilish;

- jamoada ijtimoiy va ma'naviy-ma'rifiy ishlarni tashkil etish va boshqarish;

- fikrlar har xil bo'lganda to'g'ri qaror qabul qilish;

- bajarayotgan faoliyati bo'yicha ish rejasini tuzish, nazorat qilish va amalga oshirilgan ishning natijasini baholash qobiliyatiga ega bo'lishi kerak.

60230600 – Noshirlik ishi ta'lim yo'nalishi bo'yicha bitiruvchilariga beriladigan bakalavr darajasi kvalifikatsiyasi.

Quyidagi bakalavr darajasi kvalifikatsiyasi beriladi:

- muharrir, texnik muharrir, muharrir, dizayner-rassom, bild-muharrir, kompyuter muhandisi.

2. 60230600 – Noshirlik ishi ta'lim yo'nalishi bo'yicha bakalavrlarning kasbiy kompetensiyalariga qo'yiladigan talablar

2.1. Umumiy kompetensiyalar:

- dunyoqarash bilan bog'liq tizimli bilimlarga ega bo'lish;

- gumanitar va ijtimoiy-iqtisodiy fanlar asoslarini, davlat siyosatining dolzarb masalalarini bilishi, ijtimoiy muammolar va jarayonlarni mustaqil tahlil qila olish;

- fuqarolik jamiyatining dolzarb masalalarini bilishi, O'zbekistonni rivojlantirish strategiyasiga asoslangan faol hayotiy nuqtai nazarga ega bo'lish;

- dunyoqarash bilan bog'liq falsafiy bilimlarga tizimli ega bo'lish, mustaqil tahlil qila olish, kasbiy faoliyatida ularni hisobga olib bilish;

- xorijiy tillardan birida kasbiy faoliyatiga oid hujjatlar va ishlar mohiyatini tushunish, xorijiy hamkorlar bilan og'zaki va yozma muloqot qila olish;

- tabiiy-ilmiy fanlar bo'yicha kasbiy faoliyati doirasida zaruriy bilimlarga ega bo'lish hamda ulardan zamonaviy ilmiy asosda hayotda va o'z kasbiy faoliyatida foydalana bilish;

- axborot yig'ish, saqlash, qayta ishlash va ulardan foydalanish usullarini egallagan bo'lish, xalqaro yozishmalarni va elektron aloqalarni olib borish, o'z kasbiy faoliyatida mustaqil asoslangan qarorlar qabul qila olishi;

– yangi bilimlarni mustaqil egallay bilish, o‘z ustida ishlash va mehnat faoliyatini ilmiy asosda tashkil qila olish;

– sog‘lom turmush tarzi va unga amal qilish zaruriyati to‘g‘risida ilmiy tassavvur hamda e‘tiqodga, o‘zini jismoniy chiniqtirishning bilim, ko‘nikma va qobiliyatlariga ega bo‘lish.

2.2. Kasbiy kompetentsiyalar:

- maxsus axborot tizimlarini ishlab chiqishni va natija olishni bilish;
- matematik ma‘lumotlarni tahlil qilish, mantiqiy fikrlashni oshirish va mental arifmetikani bilish;
- zamonaviy axborot texnologiyalarining amaliy dasturlar paketlaridan foydalanishni va natija olishni bilish;
- ingliz tilida kasbiy faoliyatiga oid hujjatlar va ishlar mohiyatini tushunish, kasbiy faoliyati doirasida zaruriy bilimlarga ega bo‘lishi hamda ulardan zamonaviy ilmiy asosda hayotda va o‘z kasb faoliyatida foydalana bilish;
- noshirlik ishi asoslarini, tarixini, zamonaviy holatini o‘rganish; kitob tarixi, bosma ishlar tarixi, gazetalar va jurnallarni nashr qilish tarixi, noshirlik ishiga oid davlat hujjatlari, noshirlik ishining texnologik sxemasi, noshirlik mahsulotlarining turi va tiplari, qo‘lyozma va originalni rasmiylashtirishga qo‘yiladigan talablar, noshirlik mahsuloti o‘lchash birliklari, poligrafik ishlar uchun materiallar, noshirlik mahsulotida chiqish ma‘lumotlari, kitoblarni raqamlashning xalqaro standartlari, seriyali mahsulotlarni raqamlashning xalqaro standartlari, mualliflik huquqi haqidagi bilimlarga ega bo‘lish, ularni o‘z faoliyatida qo‘llash;
- noshirlik ishida foydalaniladigan zamonaviy axborot texnologiyalari haqida umumiy ma‘lumotga ega bo‘lish va kasbiy faoliyatda foydalana olish;
- matn ta‘rifi, matn birliklari, matn tiplari, matnda partsellyatsiya hodisasi, matnning tarkibiy qismlarini bog‘lovchi vositalar, matnning lingvostatistik tahlilini bilish;
- matnning lingvistik tahlili, badiiy matn va uni shakllantiruvchi vositalar haqidagi ma‘lumotlarni bilish, bu bilimlardan noshirlik ishi faoliyatida foydalana olish;
- tahrir nazariyasi va metodikasini o‘rganish;
- tahrir tarixi, muharrirning nashr jarayonidagi o‘rni va ahamiyati, matn tahlili va tahriri, matn yaxlitligi, matn qismlarining uyg‘unligi, yozma nutq talablari, matnning mantiqiy tahlili kabilarni o‘rganish;
- matnni nashrga tayyorlash nazariyasi, muharrirlik tarixi, muharrirning ijtimoiy pozitsiyasi va erkinligi, muharrirning kasbiy xislatlari, janrlar tiplari va turlari, muharrir ishining spetsifikasi va algoritmi, mantiqiy tahlil, sarlavhalar tahlili, faktching, til va uslub yuzasidan tahlillar, xatolar: tabiati, tiplari haqidagi bilimlarga ega bo‘lish, bu bilimlardan noshirlik ishi faoliyatida foydalana olish;
- zamonaviy veb -texnologiyalarning ishlash printsipi, texnik va dasturiy ta‘minoti, imkoniyatlari, yo‘nalishlar sohasidagi mutaxassislikka oid web dizaynerlik ko‘nikmalarini va tayyor dasturiy ta‘minotlardan foydalana olish malakasini hosil qilish;
- veb texnologiyalarning ishlash prinsipi, texnik va dasturiy ta‘minoti,

imkoniyatlari va veb dizaynerlik ko'nikmalarini va tayyor veb saytlar hosil qilishni bilish;

- adabiy tahrir nazariyasi va metodikasini o'rganish;
- noshirlik ishi faoliyatini tashkillashtirish va ish jarayonini menejmenti va marketingi bo'yicha bilim va ko'nikmalarga ega bo'lish va ulardan kasbiy faoliyatda foydalana olish;
- kompyuter grafikasi, rastri va vektorli grafika amaliy dasturlarida ishlashni o'rganish;
- multimedia texnologiyalarning ishlash printsiplari, texnik va dasturiy ta'minoti, imkoniyatlari, yo'nalishlar sohasidagi mutaxassislikka oid onlayn noshirlik ko'nikmalarini va tayyor dasturiy ta'minotlardan foydalana olish malakasini hosil qilish;
- jahon va o'zbek adabiyotining eng sara namunalarini bilish, badiiy matn bilan ishlashni o'rganish;
- jahon va o'zbek adabiyotining tarkibiy qismlari, adabiy tur va janrlar tushunchasi, mumtoz adabiyot tushunchasi va uning xususiyatlari, o'zbek adabiyoti tarixining taraqqiyot bosqichlari, jahon adabiyoti tarixining nazariy muammolari, jahon adabiyoti durdonalarini tahlil qilish, jahon adabiyoti namoyandalari haqida tizimli bilimlarga ega bo'lish, bu bilimlardan tahrir jarayonida foydalana olish;
- hozirgi o'zbek adabiy tili, uning bo'limlari: fonetika, leksikologiya, morfologiya, sintaksis, matn lingvistikasi kabi bo'limlarni to'liq o'zlashtirish, bu bilimlardan tahrir jarayonida foydalana olish. hozirgi o'zbek adabiy tili, uning bo'limlari: fonetika, leksikologiya, morfologiya, sintaksis, matn lingvistikasi kabi bo'limlarni to'liq o'zlashtirish;
- so'z qo'llashning o'ziga xos uslubiy yo'llari, so'z turkumlarining matn tarkibidagi uslubiy roli, sintaksisning uslubiy xususiyatlari, funksional uslublar, so'zlashuv uslubining leksik-frazeologik xususiyatlarini o'rganish;
- fonetikaning uslubiy xususiyatlari, muallifga xos uslubiy vositalar, leksik birliklar va ularning uslubiy o'rni, so'z qo'llashning o'ziga xos uslubiy yo'llari, so'z turkumlarining matn tarkibidagi uslubiy roli, sintaksisning uslubiy xususiyatlari, funksional uslublar, tinish belgilaridan o'rinli va to'g'ri foydalanish imkoniyatlari, tinish belgilaridan o'rinli foydalanishning keng uslubiy imkoniyatlarini bilish, bu bilimlardan tahrir jarayonida foydalana olish;
- joriy imlo qoidalarini mukammal bilish, imlo qoidalarida yuzaga kelgan munozarali o'rinlarga munosabat bildirish ko'nikmasini shakllantirish;
- grafik, orfografik va punktuation me'yorlar, yozuv tarixi, o'zbek imlo qoidalari, punktuation me'yorlar tarixi, tinish belgilari turlari, ularning qo'llanish holatlari, tovushlar tizimi va uning yozuvda aks etishini bilish, joriy imlo qoidalarida yuzaga kelgan munozarali o'rinlarga munosabat bildirish ko'nikmasini shakllantirish, bu bilimlardan tahrir jarayonida foydalana olish;
- raqamli va OAV nashr etish hamda blog yaratish: multimediya mazmunli blog yaratishni bilish va natija olishni bilish;
- kopirayterlikni o'rganish.

Bibliografik ma'lumotlar

UDK: 002:651.1/7

Guruh T 55

OKS 01.040.01

Tayanch so'zlar:

Davlat ta'lim standartlari, malaka talablari, o'quv reja, kompetensiya, kredit, modul, kasbiy faoliyat turlari, amaliyot obyekti, kadrlar sifati, kasbiy faoliyat turi, ta'lim yo'nalishi, kasbiy faoliyat obyekti, bakalavriatning asosiy o'quv reja va fan dasturi (bakalavriat dasturi), profil, o'qib-o'rganish natijalari, o'quv sikli; hozirgi o'zbek tili, o'zbek tilining amaliy stilistikasi, nutq, me'yor, jahon adabiyoti, o'zbek adabiyoti, matn lingvistikasi, veb-texnologiyalar, raqamli texnologiyalar, tahrir, adabiy tahrir, modellar va modellashtirish, ilmiy boshqarish, axborot-kommunikativ tizimlar, zamonaviy tadqiqot metodlari, modellar va modellashtirish, fan ishchi dasturlari, zamonaviy nashriyot, raqamli noshirlik, veb-texnologiyalar, amaliy paketlar dasturi, ilmiy tadqiqotlarni tashkil etish, virtual elektron bilim manbalari.

KELISHUV VAROG'I

ISHLAB CHIQLDI:

**Alisher Navoiy nomidagi
Toshkent davlat o'zbek tili va adabiyoti universiteti**

Rektor  **Sh.Sirojiddinov**

2021- yil « _____ » _____

m.o'.



KELISHILDI:

**O'zbekiston Respublikasi
Oliy va o'rta maxsus ta'lim vazirligi
huzuridagi Oliy ta'limni rivojlantirish
tadqiqotlari va ilg'or texnologiyalarni
tatbiq etish markazi**

**“Sharq nashriyoti matbuot
aksiyadorlik jamiyati”**

Direktor v.b.  **M.Esonov**

Bosh muharriri  **A. Ahmedov**

2021- yil « _____ » _____

2021- yil « _____ » _____

m.o'.

m.o.

